

dium extensis, margine laterali acuto, fere tertia apicali parte tamen obtuso, margine basali late sinuato. Hemelytra cu-
neo discreto, horizontali, latitudine basali aequo longo.

25. *Laemocoris sinuaticollis* n. sp.

Obscure piceus, capite apiceque pronoti fortiter nitens, hemelytris longe pallido-pilosus; antennis flavicanti-testaceis, apicem versus fuscis, articulo primo albido, basi margineque apicali fuscis, pedibus fuscis, coxis, trochanteribus basique femorum pedum posteriorum albidis, tibiis apicem versus tar-
sisque pallescentibus; hemelytris nonnihil rufescenti-piceis, in tertia basali parte corii fascia transversali per clavum ducta ibique fere aequo lata maculaque magna subtriangulari apicali angulum interiore haud attingente albis; mem-
brana cum venis fusca, fortiter iridescente ;capite opaculo, vertice obsolete marginato, fronte sulco longitudinali obtuse impresso, clypeo prominente, gula tertiam basalem partem capitidis occupante, vertice feminae oculo fere duplo latiore; pronoto lateribus late sed fortiter sinuatis, disco apicem ver-
sus sat declivi, postice parum convexo, scutello planiusculo.
♀. Long. $3\frac{1}{5}$ mm.

Congo, commun. D. Schouteden.

L. Ahngeri Reut. signaturis albis sat similis, sed multo minor, fortius nitens, lateribus pronoti multo fortius sinuatis, hemelytris longe pilosis, fascia eorum anteriore longius ante medium corii posita, cuneo breviore, coxis posterioribus fere totis albis. Caput (♀) basi pronoti paullo minus quam $\frac{1}{3}$ angustius, a supero visum pronoto aequo longum, a latere visum altitudine basali paullulum brevius. Rostrum fuscum, articulo primo medium xyphi prosterni subsuperante. Antennae articulo secundo capiti pronotoque simul sumtis longitudine subaequali, tertio secundo vix breviore. Pronotum basi longitudini, strictura apicali excepta, fere duplo latius, hac articulo secundo antennarum aequo crassa. Hemelytra abdomen sat longe superantia, corio externe versus marginem declivi. Terebra feminae apice mucronata.